

Un locu

Longu à li passioni trà l'essa è lu sia
Ci truvareti un locu, un tempu, eppo'ssa ghjenti
Chì lu mari si teni cù tanta ghjilusia
Chì li muca lu cori, è li sensi, è la menti

Longu à li foli vechji chì la memoria dici
Soca ci sintareti u dannu o l'alligria
Sò middi li ricordi, è sò tanti vinici
À pona lu so passu trà l'Essa è lu saria

Longu ad ugni vita d'incertu o di prumessi
Chì abbughja o schjarisci à ugni età l'uchjati
Soca ci imparareti li sonni eppo'li fatti
Sò tanti è tanti brami, è sò sempri i listessi

Longu à issa tarra sola ch'ugnunu dici soia
Ch'impastò li so paci è di stentu, è di straziu
Trà li vampati scemi d'un soli chì s'annoia
Firmeti vi una stunda, sè vo'naveti u laziu

Di l'omu natu quì tandu i sintareti
TUtti li virità chjusi in silenzii degni
Ch'ùn francani li mari è si fermani chieti
Trà l'in darru u più dulci è li più duri impegni